

# ƆANMIEN SIELE BLE JUNMAN

AFUE 2014, NOVAMBLU

## LE MDCUE M'Ɔ BO I BO NOVAMBLU I LE 10

Jue 99 ye srele

### □ Asɔnun' n i Biblu'n nun like suanle:

cl nde tre 15 § 20-23, kuku'n b. 188 (Min. 30)

### □ Ɔanmien junman dile suklu:

**Biblu'n nun kannganle:** Mmla'n 19–22 (Min. 10)

**No. 1:** Mmla'n 22:20-29 (Nán maan ɔ tra miniti 4)

**No. 2:** Anien wie'm be ijɔle'n timan like m'Ɔ ká le tititi ɔ—td 36D (Min. 5)

**No. 3:** ?Ngue ye le nguan ng'Ɔ o sran nun'n? —ol like suanle 4 § 5-9 (Min. 5)

### □ Junman dile apia:

Jue 12

**Min 10:** Usa junman sunianfue'n i kosan. ?Junman benin mun ye a di be ɔ? ?Ke a kɔ jasin bole akpasua kun i nunfue'm be osu nianle'n, ngue ye a yo ɔ? ?Wafa se ye akpasua ɔ'n nun jasin bofue'm be kwla jan su ye kpa ɔ? ?Ke jasin bofue kun usa ɔ jasin bole'n i su ngwlele afe'n, wafa se ye a uke i ɔ?

**Min 20:** “Maan e bo jasin fe'n i kpa tra laa: Maan e kle sran'n ke i nde lo e.” Ijɔle nin nzrafue'm be kosan usale. Ke amun ko wie nde'n i su yale koko'n, maan be yi sa nɔnɔn nga be nglo: I klikli'n nun'n, ke jasin bofue kun fá fluwa nga e fa man sran mun anglo nga nun'n bó jasin fe'n, ɔ kleman ke sran'n i nde lo i. I nɔnɔn su nun'n, maan ɔ kle ke sran'n i nde lo i.

Jue 84 ye srele

## Maan e bo jasin fe'n i kpa tra laa: Maan e kle sran'n ke i nde lo e

**?Ngue ti ye ɔ ti cinnjin ɔn?** Ke Zezi feli i pin sieli i sran'm be su'n, ɔ kleli ke be tinuntinun be nde lo i. I wie ye le ke, cen kun'n, Zezi waan ɔ yó bian sutrefue kun i juejue. Sannge atrekpa'n, ɔ wunnin i wle ke sran kpanngban'm be nun'n, bian'n wunmen i wun fe. I ɔ'n ti'n, ɔ fe i ɔli aamien naan w'a yo i juejue. (Mar. 7:31-35) Zezi buli i ɔnznɔnfue'm be sran. Ye le ke w'a kaman le w'a kleman be like kpanngban, afin be ti kwlá ɔnmen i bo. (Zan 16:12) Ke é se ye'n, Zezi

o panmien su lo. Sannge ɔ te kle ke e tinuntinun e nde lo i. (2 Tim. 4:17) Ke mɔ e ti Zezi i ɔnznɔnfue'n ti'n, e kunnɔde ke é nien i ajale'n su. (1 Pie. 2:21; 1 Zan 3:16, 18) Asa ekun'n, se e kle sran kun ke i nde lo e naan e bu i su sa'm be akunndan'n, ɔ fé i su sie e nuan bo. Afin ɔ wún i wle ke i nde lo e sakpasakpa naan nán jasin kun bole ngunmin, anze nán fluwa kun i fa manle ngben sa ti ye e bali ɔ.

### ?Wafa se ye é yó i ɔ ɔ?

- Maan e siesie e wun kpa. Ye maan e yo ke y'a wɔ e janvue wie i osu nianle sa.
- Maan e fa e pin sie i i awlo lo ninngewie'm be su. ?Ke e nien i sa'n, sran ɔ'n le ba? ?Ɔ klo flɛlɛfleli mun annze ɔ ta nnen wie mun? ?Ɔ le ninngewie mɔ be kle ke ɔ kɔ Ɔanmien sule wafa kun nun ɔn? Atrɛkpa'n, i ɔ ninngewie'm be kwla uka e naan y'a fiti e nde'n su ke ɔ nin i fata'n sa.
- Maan e use i kosan naan ɔ te su. Ke ɔ ijɔ'n, maan e sie e su kpa. Ye nán maan e kpe i nuan nde. Maan e nien i jrun nun naan ɔ wun ke e sie e su i nuan bo sakpa. E kwla yo i mo nin ijɔle. Nán e se ke é klé i ke i nde lie'n timan su naan e lie'n ye ɔ ti su ɔ.
- Se ɔ nin i fata'n, maan e nian naan nde ng'Ɔ ti i cinnjin'n, e jran su e bo jasin fe'n. Nán maan e bu i ke i ɔ yole'n ti kekke. Afin nde nga be o e fluwa nɔn mun, nin e fluwa pɛpɛlɛpɛle nin periodiki'm be nun'n, be diman be yale. Se kusu ble ng'Ɔ nenmen i ti'n, i nun ye e toli i'n, maan e bu i ɔ lie'n i akunndan. Nán maan e nde'n yo tennden.

### Anglo nga nun'n, maan e yo nga e nian:

- Ke amún sú Ɔanmien awlo lo'n, wafa nga amun kwla jran sran'n i nde lie ng'Ɔ kan'n su bo jasin fe'n, amun yi i nglo.
- Ke amún yó jasin fe'n bole'n apia'n, wafa nga amun kwla kle ke sran'n i nde lo amun'n, aniaan ng'Ɔ tinngewie apia'n kwla yi i nglo, annze amun kwla koko su yale.

## LE MOCUE M'Ɔ BO I BO NOVAMBLU I LE 17

Jue 26 ye srele

### □ **Asɔnun' n i Biblu'n nun like suanle:**

*cl* nde tre 16 § 1-9 (Min. 30)

### □ **Janmien junman dile suklu:**

**Biblu'n nun kannangle:** Mmla'n 23—27 (Min. 10)

**No. 1:** Mmla'n 25:17—26:10 (Nán maan Ɔ tra mini-ti 4)

**No. 2:** Like fi nunman sran nun m'Ɔ wuman Ɔn—*td* 37A (Min. 5)

**No. 3:** ?Ngue ye be nga be wuli'n be kaci Ɔ?—*ol* like suanle 4 § 10-13 (Min. 5)

### □ **Junman dile apia:**

Jue 118

**Min 10:** ?Wan ye be fle i janvue kpa'n niɔn? Ijɔle nin nzrafue'm be kosan usale. Ɔ taka flimu kpe kan nga be fle i ke *Qu'est-ce qu'un vrai ami ?* su. (Ko [jw.org/fr](http://jw.org/fr) su naan tin LA BIBLE ET VOUS > ADOLESCENTS su.) Dun mmua bo video'n kle nzrafue mun maan be nian. I sin'n, usa be kosan ye mun: (1) ?Wan ye be fle i janvue kpa'n niɔn? (2) ?Ngue ye amun kunnɔde i janvue kun i lika Ɔ? (3) ?Ngue ye amun kwla yo naan amun a tra janvue kpa kun Ɔn? (4) ?Ngue ye Ɔ fata ke amun yo naan amun nin amun janvue'n amun afien w'a se kpa w'a tra laa Ɔ?

**Min 10:** Sran klɔle'n ye be fa sie e nzɔlie Ɔ. (Zan 13:35) Ijɔle nin nzrafue'm be kosan usale. Ɔ taka e fluwa *Annuaire 2014*, i bue 48 § 1 lele i bue 49 § 3 su. Ɔ nin i bue 69 § 1 lele i bue 70 § 2 su. Afɔtue nga nde sɔ'm be man'n, se nzrafue mun naan be kan.

**Min 10:** "Nzra nun jasin fe bole'n i wun ajale ufleufle'n yo penmen o!" Kosan usale nin i su tele. Se amun jasin fe bowle'n nun'n, lika nga sran'm be ta le sin kpa'n wie o lɔ'n, usa junman sunianfue'n naan Ɔ kan ajale nga asɔnun'n fali naan amun a kwla bo jasin fe'n lika sɔ'n nun'n. I sin'n, se jasin bofue'm be ke nde fe nga be wunnin i'n, maan be bo su.

Jue 92 ye srele

## Nzra nun jasin fe bole'n i wun ajale ufleufle'n yo penmen o!

<sup>1</sup> Sran kpanngban be nanti sin lika wie'm be nun nglemun nnɔsua. Anuannze'n wlali asɔnun nga i sɔ lika o be jasin bowle'n nun'n, be fanngan ke be sie tabli annze kakaklolo le naan be

1. ?Ngue ye anuannze'n wla asɔnun'm be fanngan ke be yo i lika nga sran'm be sin le kpa'n be nun Ɔn?

bo jasin fe'n nzra nun. Se kakaklolo ye be fa'n, jasin bofue nƆn kun annze kunnnga ce bɔbɔ kwla ke i wun le. Se Ɔ ti tabli kusu'n, maan jasin bofue nƆn be ke i wun le. Be nga be di i sɔ junman'n, maan be mian be pin be iƆ juejue su, maan be klo sran, ye maan be wun yo sran'm be fe. Se sran wie fe i pin sie i fluwa'm be su'n, maan jasin bofue'm be nun kun fa ijɔle men i. Ɔ kwla se i ke: "?A si wafa nga Biblu'n yi yi nde nga nun'n?" Ke Ɔ yó sɔ'n, nn aniaan onga'm bé kunnɔde sran naan bé bɔ jasin fe'n klé i. Sannge maan be pin ta tabli'n annze kakaklolo'n.

<sup>2</sup> Ajale sɔ'n ti'n, sran kpanngban be wa boli Biblu'n nun like suanle bo. I wie ye le talua kun m'Ɔ o inivesite'n i lie'n. Ɔ kunnɔde ke Ɔ klé Zoova i Lalofue'm be su nde. Sannge w'a wunman Janmien Siele Sua wie fi. Ke Ɔ dili le mocue kun'n, Ɔ wunnin e tabli'n nin i su fluwa mun i suklu lɔ. Ye Ɔ boli Biblu'n nun like suanle bo Ɔ. Ke é sé ye'n, Ɔ ti jasin bofue, ye b'a yo i batemu. Sien'n, i bɔbɔ bo jasin ke ngale'n sa wie.

<sup>3</sup> Aniaan bla kun m'Ɔ klo jasin bole wafa sɔ'n seli ke: "Ke be wie'm be ko ju e wun le'n, be jran be fa periodiki nga b'a fite ufleufle'n. Sran wie'm be nin a timan Zoova i Lalofue'm be su nde le. Ɔ maan jasin bole wafa sɔ'n ti'n, n wun ke sran kpanngban kwla ti Janmien nde'n." Aniaan bla kun ekun seli ke: "Ajale ufleufle sɔ'n yo min penmen dan. Afin sran'm be bɔbɔ ye **be fa be wun mantan e Ɔ**. Kannze Janmien nde'n timan be cinnjin'n, sannge be kunnɔde ke bé sí sa nga ti ye e o le'n."

<sup>4</sup> Le mocue kwlaa nun'n, se be sie tabli'n annze kakaklolo'n i lika kunnnga'n nun'n, Ɔ nin cen nin dɔ kunnnga'n su'n, Ɔ ti kpa. Afin ke sran'm be wun i sɔ cen kwlaa'n, be su sisiman be bo naan b'a usa e kosan annze b'a fa fluwa wie. ?Amun asɔnun'n w'a siesie nzra nun jasin fe bole wafa sɔ'n wie? Se Ɔ ti sɔ'n, amun kwla "kan Nyanmien siele'n i nde" ke ngale'n sa wie. —Lik 9:60.

2. ?Sa benin ye Ɔ kle ke, ke e fa tabli annze kakaklolo e bo jasin fe'n nzra nun'n, Ɔ ba nvle Ɔ?

3. ?Wafa se ye nzra nun jasin bole'n i wun ajale ufleufle'n yo aniaan wie mun Ɔn?

4. ?Ngue ti ye Ɔ ti kpa ke le mocue kwlaa nun'n, e sie tabli'n annze kakaklolo'n lika kunnnga'n nun nin dɔ kunnnga'n su Ɔ?

## LE MDCUE M'Ó BO I BO NOVAMBLU I LE 24

Jue 50 ye srele

### ❑ **Asónun' n i Biblu'n nun like suanle:**

*cl* nde tre 16 § 10-17 (Min. 30)

### ❑ **Janmien junman dile suklu:**

**Biblu'n nun kannganle:** Mmla'n 28–31 (Min. 10)

**No. 1:** Mmla'n 30:15–31:8 (Nán maan ó tra mini-ti 4)

**No. 2:** Yiale nga Janmien sulé wafawafa'm be yia be su i'n, ó timen i lie'n su—*td* 38A (Min. 5)

**No. 3:** ?Sran nga be wuli'n be lie'n w'a wie mlón-mlón?—*ol* like suanle 4 § 14, kuku'n, i bue 14 (Min. 5)

### ❑ **Junman dile apia:**

Jue 47

**Min 10:** “Maan e fa jw.org nun nde ce nga be fle i ‘*Questions bibliques*’ e bo jasin fe'n.” Ijole nin nzrafue'm be kosan usale. Kosan nga be te be su jw.org su'n, kan be nun wie'm be nde. (Kó jw.org/fr su naan tin LA BIBLE ET VOUS > QUESTIONS BIBLIQUES su.) Maan be nian nde'n i nun afótue kun su naan be yi i nglo. Maan nzrafue'm be kle wafa ufle nga be kwla fa jw.org i nun nde akpasua só'n be bo jasin fe'n.

**Min 10:** “N kó i awlo ló'n, n tomen i kun!” Ijole nin nzrafue'm be kosan usale. Ke e kó sran kun i awlo mó e tomen i'n, like nga ti ye ó ti cinnjin ke nán maan e sa sin bubu e'n, amun koko su yale.—Mat. 28:19, 20; Mar. 4:14, 15; 1 Kor. 3:6.

**Min 10:** “E like kunddele fluwa ufle kun.” Ijole. Nian *Like kunddele fluwa* i su fitile'n nun nde ce nga be fle i ke “Wafa nga a kwla bo like kunddele bo'n” naan bo i nun nde'm be su. Kan nde fanunfanun nga be o fluwa só'n nun naan nzrafue'm be wun i wle kpa. Sran i ngunmin ijole kpe kan: Jasin bofue kun su fa *Like kunddele fluwa* kundde like.

Jue 69 ye srele

## Maan e fa jw.org nun nde ce nga be fle i “*Questions bibliques*” e bo jasin fe'n

Ke e kó jw.org/fr su mó e tin “La Bible et vous” su'n, e wun nde ce nga be fle i “*Questions bibliques*.” Kosan nga be o ló'n, sran'm be ta be usa. Se e si kosan só mun'n, ó ti kpa. Afin e kwla fa sran'm be pin sie i jw.org su naan be wun wafa nga Biblu'n te be su'n. E bóbó e kwla fa kosan só mun e usa sran mun naan e nin be e koko yale. I wie yeke ke, ke e to sran kun'n, e kwla fa kosan ng'ó ti sran'm be cinnjin e jasin bowle'n nun'n, e use i. Ke ó ko te su'n, wafa nga be teli su jw.org su'n, maan e yi yi nun só e kle

i. I sin'n, e kwla se i ke nde'n i nun yiyile só'n o jw.org su. Se e klo kusu'n, ke ó ko te su'n, e kwla fa wafa nga jw.org yi yi nde só'n nun'n e kle i trele naan ó kanngan nun. Ajale nga akpasua sunianfue kun i yi'n fa'n, i bo'n gua kpa. Ó se sran'n ke: “Sran kpanngban be usa be wun se jrennen sa'm be fin Janmien o. ?A klo ke n fa segóndu 51 n kle wó i su tele'n?” I sin'n, kosan só'n i su tele ng'ó fa sieli i telefónu nun'n, ó bo kle i. Kpekun i agualie su'n, ó fa fluwa *Biblu'n kle* i nde tre 11 fa kle sran'n.

## “N kó i awlo ló'n, n tomen i kun!”

?Wan ye ó nin a kanman só le ó? Ó ju wie'n, kannze e sin sran'n i awlo ló kpe sunman bóbó'n, sanngé e tomen i kun. Ó maan Janmien nde'n m'ó ti ke waka mma ye e luali sa'n, e kwla guaman su nzue kun. (1 Kor. 3:6) Jasin bofue nga be sa w'a ó jasin fe'n bole'n nun'n, be fa ajale fanunfanun mun naan b'a kwla wun sran'n ekun. I wie yeke ke be kle fluwa be fa sie i i anuan'n i bo. Jasin bofue wie'm be lie'n, ke be ko to sran kun'n, be fe i telefónu nimielo'n. Kpekun wie lie'n, be use i ke: “?Be kwla kle nde ble ó telefónu nun?” Se e kléli sran'n i fluwa enteneti su, annze telefónu nun, annze se e yacili fluwa kun i anuan'n bo annze e fleli i telefónu nun'n, e kwla kle i e rapóru'n su ke e ko niennin i osu. Ó maan kannze e toman sran'n i awlo kun'n, sanngé e kwla uke i naan w'a yaciman Janmien nde'n i suanle.

## E like kunddele fluwa ufle kun

Men wunmuan'n nun'n, jasin bofue akpinngbin be fa like kunddele fluwa kun be suan like. (*Index des publications Watch Tower*) Fluwa só'n i nun nde'n ti teketeke dan. Ó maan w'a fiteman anien kpanngban nun. Sanngé anuannze'n w'a yi like kunddele fluwa ufle kun. Be fle i ke *Zoova i Lalofue'm be like kunddele fluwa*. Be yili i anien kóe 170 nun. Fluwa nga e boli be yile'n bo afue 2000 nun'n, be su ye *Like kunddele fluwa* só'n taka ó. Anien nga be le like kunddele fluwa kli-kli'n (*Index*) saan enteneti su ye be kwla wun fluwa ufle'n nión. Annze kusu be kwla wun i CD nga e fluwa'm be o su'n (*Watchtower Library*) i nun. Nanwle, *Like kunddele fluwa'n* wá úka e naan y'a kundde Biblu'n su kosan'm be su tele'n. Asa ekun'n, e kwla fa kundde e bóbó e klunklo like. Ke é síesíe e wun naan y'a wó apia'm be bo'n, annze ke é sú Janmien awlo ló'n, e kwla fa di junman.

## LE MDCUE M'Ɔ BO I BO DESAMBLU I LE 1

Jue 48 ye sɾɛle

- **Asɔnun'n i Biblu'n nun like suanle:**  
cl ndɛ tre 16 § 18-22, kuku'n b. 200 (Min. 30)
- **Ɔanmien junman dile suklu:**  
**Bibliu'n nun kannganle:** Mmla'n 32–34 (Min. 10)  
**No. 1:** Mmla'n 32:22-35 (Nán maan ɔ tra miniti 4)  
**No. 2:** Kɛ be se kɛ “Ɔanmien sulɛ wafa kwlaa ti kpa'n” ɔ timan nanwle—*td* 38B (Min. 5)  
**No. 3:** ?Wafa sɛ ye Satan yo naan sran'm b'a bu i kɛ be wu be o lo sakpa ɔ?—*ol* like suanle 4 § 15-16 (Min. 5)
- **Junman dile apia:**

Jue 128

**Min 10:** Desamblu nun'n, maan e fa periodiki mun e man. Ijɔle nin nɾafuɛ'm be kosan usale. Ajale nsan nga be o fluwa'n i bue nga su'n, maan be nian su naan be yi periodiki'm be fa manlɛ'n i nglo kunngunngun. Kɛ be ko wie kun i nglo yi'n, usa nɾafuɛ'm be kosan. Sa nga ti ye fluwa'm be nun ndɛ'm be kwla yo sran wie'm be fɛ'n, maan be kan.

**Min 10:** Ninngɛ ng'ɔ fata kɛ asɔnun'n fɛ i jin sie su'n.

**Min 10:** ?Junman benin ye e dili ɔ? Ijɔle nin nɾafuɛ'm be kosan usale. E wunnin afɔtue wie mun ndɛ akpasua “Maan e bo jasin fɛ'n i kpa tra laa: Maan e kle sran'n kɛ i ndɛ lo e” nun. Wafa nga afɔtue s'ɔm be yoli jasin bofue'm be ye'n, maan be kan. Sɛ be le i su ndɛ fɛ wie'n, maan be bo su.

Jue 119 ye sɾɛle

## Jasin mun

■ Fluwa nga é fá mán sran mun **Novamblu nin Desamblu nun'n:** ?Ngue like ye *Bibliu'n kle i sakpasakpa* ɔ? Annze fluwa nɾa nga mun: ?Amun bu *Bibliu'n i sɛ?* ?Amun bu i kɛ e *prun lo'n yó sɛ?* ?Awlobo tranle fɛ'n fin *ngue?* ?Wan ye *mɛn'n o i sa nun sakpasakpa* ɔ? ?Cɛn wie *lele'n prɛnɛn'n wíe?* ?Ɔwulie'm be kwla sa be sin nguan nun *ekun?* **Zanvie nin Fevrie nun'n:** *Jasin fɛ kpa kun fin Ɔanmien!* an-nze fluwa pepleɛple nga'm be nun kun: *Amun tie Ɔanmien ndɛ'n annze Amun tie Ɔanmien ndɛ'n naan amun a pan nguan tititi, Anannganman nguan'n i atin'n* — ?Amun a wun i?

## Ajale nga e kwla fa'n

### E bo Biblu'n nun like klele bo Desamblu i Fue cɛn klikli'n nun

“Sie nin nien kpanngban be kunnɛ kɛ be mma'm be klo Ɔanmien. ?Sanngɛ, a bu i kɛ sie nin nien'm be kwla kle be mma mun i sɔ yole? ?Annze ba'm be bɔbɔ mun ye ɔ fata kɛ be suen i sɔ yole ɔ?” Maan sran'n tɛ su. Fa ndɛ ng'ɔ o Desamblu 1 *Sasafue Tranwle'n* i sin bui'n su'n kle i. Ye ndɛ ng'ɔ o kosan klikli'n i bo le'n, amun koko su yo yale. I sin'n, fa fluwa'n man sran'n. Kɛkɛkun cɛn nga amún kókó kosan ufle su yale'n, maan amun nuan sɛ su.

### SASAFUE TRANWLE'N® Desamblu 1

“E bali amun wun wunle naan é kán Ɔanmien i ndɛ. E si kɛ ɔ le sran kun nin i akunndan lie ng'ɔ bu i Ɔanmien wun ɔn. ?Sanngɛ kɛ a nien i sa'n, sran kpanngban be bu i kɛ Ɔanmien ti be janvue naan ɔ nian be tinuntinun be lika? ?Annze be bu i kɛ ɔ o le sa ngben? [Maan sran'n tɛ su.] *Bibliu'n nun ndɛ mma nga kle e kɛ Ɔanmien kunnɛ kɛ e nin i e afien mantan.* [Kanngan Zak 4:8a nun.] Fluwa nga kle e like nsan mɔ e kwla yo naan e nin Ɔanmien e afien w'a mantan kpa'n.”

### Réveillez-vous!® Décembre

“E bali amun osu nianle naan é kókó ndɛ cin-njin kun su yale. Yele kɛ anuannze ng'ɔ nian men wunmuan'n nun sran'm be ayre yole'n su'n, ɔ seli kɛ sɛ be fa sran nnan'n, ɔ le cɛn kun mɔ be nun kun i ti nun sánngan ɔn. ?A bu i kɛ be ti nun sannganle'n ye w'a kaci ajulisu tukpace'n nion? [Maan sran'n tɛ su.] *Bibliu'n gua e awlen su nzue kɛ ɔ cɛ kaan'n, be su wunman tukpace wie fi asie wunmuan'n su.* [Kanngan Sa Nglo Yile 21:3, 4 nun.] Be ti nun sannganle'n i su ndɛ wie m'ɔ fata kɛ sran kwlakwla si be'n, fluwa nga yiyi nun.”

### Jasin fɛ'n bole nun ndɛ mun

■ Nvle wie'm be fa *Ɔanmien Siele Ble junman* fluwa nga di junman. Nvle s'ɔm be nun mɔcɛue be yiali sran 195.350 e Wla kpenle cɛn apia nga e yoli i afue 2014 nun Avrili i le 14, i bo. Sran s'ɔm be sɔn-nin tra nvle s'ɔm be nun jasin bofue mun lele kɛ nsan. Nvle s'ɔm mun ye: **Benen:** Sran 43.619. (Be tra jasin bofue mun kɛ nnan.) **Blukina Faso:** Sran 5.425. (Be tra jasin bofue mun kɛ nsan.) **Kamerunun:** Sran 97.497. (Be tra jasin bofue mun kɛ ko ju nnan.) **Santrafrik:** Sran 12.736. (Be tra jasin bofue mun kɛ nnan.) **Gine Ekuatoriali:** Sran 5.851. (Be tra jasin bofue mun kɛ ko ju nnan.) **Gabon:** Sran 12.367. (Be tra jasin bofue mun kɛ nsan.) **Nizer:** Sran 1.121. (Be tra jasin bofue mun kɛ nnan.) **Togo:** Sran 65.253. (Be tra jasin bofue mun kɛ ko ju nnan.) Nanwle, “nvlenvle'm be kwlaa be” su 'tu sa kpu bé k5 Zoova i oka'n su lo.'—Ezai 2:2, 3.



km14.11-AO Wa  
140806